

石泉縣志

下

選舉志第七

元白 圭至正中進士歷官禮部詩郎介然有守入祀鄉賢

明譚 綬天順癸卯科舉人官湖廣襄陽府知府

張 維正 嘉靖癸卯科舉人官山西知縣

張 滋 嘉靖辛酉科舉人

辜 良 弼 嘉靖乙酉科舉人官四川綿竹縣知縣

魏 飛 仰 萬 曆 戊 子 科 舉 人 官 河 南 洛 陽 縣 教 諭

辜 正 煥 崇 正 壬 午 科 舉 人 官 河 南 濟 源 縣 知 縣

貢 李 芳 華 官 禮 部 郎 中 清 介 如 寒 素 入 祀 鄉 賢

和 貴字禮亭山西保德州州同官清如水居鄉方正入祀鄉賢

任 佩肅引教諭

任 侶

董 澄浙江桐廬縣丞

魏 研山東濟南府通判

袁介石山西翼城縣丞

盧 煌山東濟南府通判

田東野直隸邯鄲縣知縣

洪聯熙直隸玉田縣丞

王 信遼陽衛經歷

王 儒四川蓬州州判

辜大方官直隸高淳縣教諭陞四川榮經縣知縣慈祥和  
藹方正廉潔陞雅州知州未之任卒於榮經入祀名宦

辜大賚四川綿竹縣丞

任大仰由貢生入太學初任湖廣德安府通判陞山東兗  
州府同知博學多聞兼長治理德安兗州俱建生祠有文  
集行於世

魏 楷衡水縣知縣

魏人文爲邑望族生有至性父嚴厲文承歡無怠刻苦力

石泉縣志 卷之三  
學弱冠出貢因親老絕意仕進及父有疾籲天求代表不  
解帶晨夕依其傍卒之日哀毀骨立廬墓三年足爲之屈  
邑上狀各院道旌其門官文縣訓導

魏人望成縣訓導

魏堪

薛明教四川榮經縣教諭

魏大中

魏卓立山東東平州學正

董三策四川保寧府訓導

魏爾孚山西聞喜縣丞

孟佐

吳日省湖廣竹谿縣知縣

任大猷山陽訓導

孫 晉字確吾生而穎異家貧讀書其父傭工以給初任湖廣文陸府訓導歷官廣西永康知州遷長史陞廣西思明府知府懸車時年未五十崇正丙子流賊紫金川王率眾數萬圍城其子泣請曰事亟矣大人盍渡漢水以避之魯叱曰我雖非守土愛國顯秩義何可逃遂力倡守城議環甲執戈以督守士賊不能攻將捨去至夜城中逃者甚眾賊偵得之大呼曰人盡渡矣攻益力城遂陷魯遇賊力

戰而死

國朝王錦元 恩賜乾隆乙卯舉人嘉慶丙辰進士翰林院  
檢討預千叟宴

張德驩嘉慶丁卯科舉人

王毓誠嘉慶庚午科舉人

汪遠昌道光己亥科舉人

彭齡道光甲辰科舉人

員呂金杜

楊應泰山東寧陽縣丞陞廣東平遠縣知縣

龐方鳳雒川縣訓導

王 麟官臨潼縣訓導以憂歸值吳逆竊據漢南誘以

爵不受威以刀鋸弗屈康熙十八年復授邵陽縣教

魏正昂江西泰和縣丞

張鵬翼中部縣訓導

胡春華白河縣訓導

王膏民

選拔

王濟民

閔克允

劉克篤

袁允昌

李繩方

袁 聰

劉遐年

張文澳

王 謙



盧名芳

以上舊志所載

李謙

李廷蔚

訓導

李廷芳

劉芳遠

曾遇春

孟自超

吳廩

訓導

衛毓栢

權宏信

訓導

譚大時

王德榮

中部縣訓導

張振昔

龐爾郁

李牟善

李淳

蕭毓煥

郭春奎

賀德煥

譚大成

王有愷

焦均正

魏湛

蕭漢杰

訓導

張學孔

訓導

李國珍

教諭

孟爾進

訓導

王綬

李宏彥

易榮

以上府志所載

黃昌富

劉多才

涂大筆

李佩玉

兩當縣訓導

戴淑世

賀能銘

王汝翼

大荔縣訓導

陳忠榮

嚴光前

劉多霞

劉撝謙

龐忠謙

焦世彥

鄭龍枝

王毓忠

周紹先

王興化

劉鳳超

以上續府志所載

麻 凡乾隆乙酉科拔貢靜寧州教諭

張廷楹乾隆丁酉科拔貢由四庫館議敘選四川崇慶州

州同陞忠州知州

張廷珍乾隆己酉科拔貢山東臨駒縣知縣

戴淑身博學能文爲一時之望嘉慶元年舉孝廉方正三

年賊至柳溪與任清芳同懇濟南岸難民其好義急公類如是也

任清芳嘉慶三年賊焚至柳溪難民聚江南岸望救者千餘人時恒將軍帶兵守城禁渡船清芳約戴淑身面懇將軍以身家爲保渡將竟而賊已至岸矣

李鏞嘉慶辛酉科拔貢

楊瑗安化縣訓導

張振先前池河人端方質樸不尙浮華教生徒嚴而有法度卽改業或有過亦必訓責之故其徒皆凜凜然守張先生學規也嘗與李煜倡修文昌宮義學任中部縣訓導數

年歸仍設教於鄉里

鄧紹華宜君縣訓導

邱道南鄉飲大賓非公不至年七十猶日讀書焉

任國樞鄉飲大賓

陸元泰

張曙

吳世俊

邱景新

張浩

王璩

呂道英

陳亮采

徐文偉

危仁壽

張新任

張文元

陳廷璉 以上續錄

呂道岸道光乙酉科拔貢

任 鼎道光丁酉科拔貢

張家駟道光己酉科拔貢

按邑爲晉 昌古郡雲山岌而高漢水洪且遠皆美秀也  
故士習雅 駟良於他邑而科第寥寥非無聰明之士實  
少師友之 資前經書院山長郭應軫善爲啓迪於是己  
亥甲辰連 登鄉書多士誠能專心致志勿荒於嬉勿詭  
於隨隆師 親友謙冲爲懷博學力文始終不輟必能取  
科第作棟 梁矣山川豈有不效其靈者哉

由例貢而仕者孟連舉爲江西鹽課大使周紹禮城固訓導張天佑廣西縣丞其未仕者不載

武舉吳倬章 乾隆甲寅科

李湧清 乾隆乙卯科

郭元章 嘉慶甲子科

張舉 嘉慶丁卯科

鄭勤業 道光壬午科 隨營効力補白土關把總

毛繼昌 道光辛卯科

由軍功而仕者高連陞遊擊吳順都司曹名失都司曾名失守

備張永清千總揚偉把總王萬清經制俱附錄焉

人物志第八

張峻蹟明季庠生值時亂避居山中讀書 本朝定鼎屢

徵不出與涂之堯以詩相唱和康熙二十六年丁卯知縣  
潘瑞奇延修縣志其序云余生於明神宗戊申歲迄今八  
十年猶及見全盛之時遲十年而局又一變人日偷俗日  
侈服食日僭奢器皿日淫巧未嘗不料其盛極而將衰也  
又數年而羣兒嬉戲屈荆爲弓削竹爲箭裂衣爲旗壘石  
爲營競相角勝又默決其爲動兵之象也未幾秦寇倡亂  
而賊盜遍天下矣石當漢興往來必由之路蹂躪甚於他  
邑從前錦疆繡宇悉化爲頽壁焦窟可勝慨哉其志畧於



不  
卷之三  
記載而興亡感慨皆序類也有詩數卷號悲憤集

呂芝森前明典史呂和聲之孫和聲旣罷官家於石芝森年十四祖病篤服藥不效暗中割股煮羹以進祖病雖少愈而金瘡中風遂卒邑上狀各道院給金粟優恤其家

王聘秉性和順母早世事父至孝父病之日親嘗糞以辨病症家貧父欲食羹聘割股以進及沒寢苦枕塊守墓三年舊志載之魯一子曰割股之事雖不足以化民成俗然芝森以幼童而愛祖聘以寒士而奉親其至性不可沒也詩曰孝子不匱永錫爾類身體毀傷類於何有願吾民取法乎孝之大者

查大學後柳溪人性至孝母九十有八只飲食必親盥待  
昆弟甚友愛雖老不火替之

戴兆璉邑庠生秉性正直樂行善事人有危急極力排解  
前令屢旌獎之

段俊樂行善事富施棺掩骨前令給匾額獎之

沈燕桂德柳溪人乾隆壬午歲饑輸粟數十石以賑鄉人  
王運來遇有險阻道路輒捐資修葺城東二里建石橋城  
西珍珠河口建木橋利濟賴之

龐玉麟家素饒以孝友聞其修橋路善事每樂爲之

任景榮邑庠生素行端方家貧善醫窮民有疾病者施藥

石泉縣志 卷之三  
治之每夜於小巷點燈以照人行且防盜也  
漆應位饒風人性醇良造橋修路人服其德

王廷權好葺修祠宇里人稱之

王加佐本城人有別墅在蒲溪河乾隆壬申歲歉出粟以  
調近墅者又造渡船於南門外妻賀氏亦以賢聞  
賈聰樂行善事其所居處橋梁道路嘗爲補修云

楊順德好善樂施舉鄉飲者賓姪芝邑庠生克盡孝道前  
令郭爲建旌善坊於通衢

姚思學常修道路造渡船周急  
病危捨藥施棺年九十六

任春芳邑庠生恂恂然儒者也性孝友嘉慶元年舉孝廉方正道光六年復以孝舉居鄉授讀善爲開導多所成就子國樞歲貢生亦恂恂儒者舊志無刻本國樞手錄成書其近事亦多所採訪國樞之子鼎拔貢生工書能文爲蓋鈺所器邑書香人家皆稱城南任氏云

彭昌孔孝廉齡父也性和平無急言遽色存心濟物漢水之濱夏秋暴漲溺屍橫岸無主收埋者暴露慘目昌孔與掩埋會籌畫經費施棺木置義地至今賴之

楊熾饒風廩生律身端莊不冠不見客早失怙恃事兄克盡弟道凡戚族之貧不能葬不能婚嫁者皆以身任之

有睦婣任恤之風焉

李煜前池河庠生凡事循禮倡建文昌宮設義學以鼓勵斯文爲任其里黨化之彬彬然稱禮義之鄉

張瑞明前雙嶂人治家嚴整其子弟爲耕爲讀各勤職業遇他人子弟亦諄諄誨之

柯筠前柳溪武生公正無私爲鄉里所服凡爭是非者得其一言而各散其排難解紛類如此

鄭繼周邑廩生居於馬嶺嘉慶三年捐資修寨團義勇賊匪張漢潮至繼周領勇截堵獲賊劉之韜等七名以軍功議敘正八品同時有廩貢李鏗增生張天相武生柯顯光

寨總韓清順民壯楊喜俱有軍功

劉德富農家也有子三孫十一曾孫三元孫二凡五世同堂德富年九十餘猶日抱甕灌田其漢陰丈人之流歟

王國相兩河人年八十六歲妻程氏年八十歲子五人孫二十人曾孫九人男婦共七十人同農家計井井然問所業曰業農始佃地而種今有地百畝專務棉棉爲利微而長有綿綿之致一歲中無虛日亦無閒人皆事是事其爲耕爲種爲耘爲耨皆男事也爲紉爲彈爲紡爲織皆女事也至收斂之際男女同作有摘者有擔者有饁者幼孩絜筐使之拾遺絮而吾夫婦扶杖依門間勗之以勤且種棉

之地圍以包穀間以芝麻菜蔬合地無遺利而食亦有賴其不足者以布易之食指雖繁無豐歉而皆能取給他人不然父子兄弟輒異爨凡事皆委之塘匠故不吾若也

**烈士**舒士林饒風人嘉慶三年三月遇賊阮正通被擄脅降士林曰我良家子豈肯從爾逆天賊子惜官兵未到不及見爾逆賊橫尸也賊黨怒割舌剜目然後殺之

李思珍亦饒風人嘉慶四年二月遇賊張漢潮令數賊曳之赴營思珍不從力與相持忽拾得鐵火鉗持以擊賊皆負痛去旋被羣賊追圍知不能脫揮鉗厲聲大罵賊以鎗擊殺之

李郁邑庠生嘉慶五年四月遇賊阮正逼至持刀迎殺數賊賊黨千餘人圍縛之壯其勇可爲羽翼追之從郁厲聲罵曰爾等逆天罪不容誅我身列士林肯從爾賊哉賊怒刺其兩腓復以糞漬油裹而焚之郁至死罵不絕口

義勇有黃金亨黃富學等十七名嘉慶七年正月在蒲溪河打仗陣亡又有劉榮鄧萬青李大廣冷玉清隨營打仗陣亡

以上俱嘉慶十五年郡守葉公錄其事附祀昭忠祠以下則道光二十九年知縣舒鈞續報者

義士有後柳溪庠生楊琛熨斗壩廩生蕭毓炎年俱七十



嘉慶五年閏  
賊至居民盡避獨衣冠危坐曰賊亦人耳何  
至冥頑不靈惜無人愷切曉諭之者我當身任焉賊至乃  
指陳順逆剖  
晰禍福情詞慷慨不聽則怒而罵賊曰愚哉  
此措大也乃殺之

**義民**有本城人李春發雙嶂人韓文剛中池河人楊東雲  
楊東華楊東富楊瓜子兩河人段應書李進文李品重劉  
大龍等皆憤激賊匪蹂躪私相議曰山內險要一夫當之  
萬夫難越官兵不諳地利故滋蔓至此吾輩土人何不各  
據險殺賊乎乃伏於崎嶇要路待其至而殺之殺賊甚衆  
而被害較慘至楊瓜子以十五歲童子能執干戈以衛地

方仿之魯有汪錡何多讓焉亦可無殤也已

**節婦明**王氏舉人安汝翼妻性莊嚴不事色笑夫沒斷親故往來嚴婢僕出入守志三十餘年事聞旌表

周氏舉人魏人仰妻仰年十九舉於鄉氏相敬如賓及仰歿子少課子足不踰閩人罕見其影聞其聲者數十年院道旌其門

烈婦不知其姓氏崇正丙子五月初二日賊陷城南門外積草中藏一少婦年未二十賊數人取草見婦豔欲驅之入城烈婦踊罵不止賊脅以刃仍詈罵如故復慰諭而撫之罵愈厲賊乃斷臂抉舌迫之江干一躍而入觀者無不

墮淚

國朝任氏生員胡江之妻年二十七而寡家貧守節撫子成立前令吳承伯題其門曰巾幗丈夫

楊氏戴兆珩之妻前任典史戴君璋之姪媳家於石珩歿時氏年二十七歲家貧紡織貞節不移歲貢淑世淑身庠生淑德皆其孫也

周氏汎兵黃廷獻之妻

李氏生員譚恪聖之妻守節時年二十歲卒年九十一

張氏耿煥彩之妻夫沒時年二十四歲誓不改節

辜氏馬嶺在立朝之妻

袁氏後柳溪孟居齊妻

楊氏後柳溪王繼業妻

杜氏胡中禮之妻

戴氏庠生王國正妻矢志守節卒年九十餘

焦氏劉芳泰妻夫沒時年二十五歲

楊氏周三倫妻家貧有勸其改適者氏以死爲誓

許氏前池河楊國先妻守節五十餘年未曾出戶

姜氏陳清裔妻年二十四而寡斷髮自誓卒完其節其父母亦不能奪之

李氏前池河鄧彩先妻年二十八而寡子幼孤無所依氏

持操嚴謹治家勤能有餘則捐資造橋樂爲善事其縣東  
四十里鄧家橋息肩亭皆乾隆乙亥歲所建也

楊氏前池河賈燕妻夫沒時年二十五歲

劉氏傳景運妻

余氏王昌基妻夫亡時祖翁八十餘歲而翁年亦高氏苦  
節自持奉養無失人皆難之

陳氏庠生吳士彥之妻守節時年二十四歲

程女中池河山父溝人幼許呂姓子及長龔而啞母以婿  
愚欲易配女固不從遂縊而死時年十五歲也

以上二十二入見於郡志其餘前蒙旌表而厝長英

以下三人則道光二十八年續請旌者

蕭氏監生周運昌之妻

懷氏吳攀榮之妻年二十二歲而寡姑老子幼氏貞靜自守不出戶庭其媳李氏亦早寡克守遺風云

衛氏朱應寶之妻

馮氏鄒起鳳之妻

張氏江桂之妻父景道博學工詩著有蒼梧亭詩稿氏八

歲卽能成誦因教以內則烈女傳年十八歸儒童江桂二十四歲而寡守節循禮嘗書禮門分內外義路別親疏語於堂其家規一以古人爲法云

石見縣志 卷之三  
任氏韓琳之妻

陳氏高國珍之妻

鄭氏陳正坤之妻守節時年一十九歲

劉氏鄒成文之妻

石氏張 愉之妻

張氏陳曦洪之妻

甘氏張文德之妻

劉氏李大士之妻

吳氏趙作蘊之妻

周氏樂明盛之妻守節時年二十一歲

胡氏袁文連之妻

戴氏監生柯耀根之妻

張氏王立興之妻

刁氏朱應烈之妻

黃氏夏懋松之妻

施氏余世祿之妻以老  
如請旌

劉氏張廷瑜之妻

祝氏劉定榜之妻年十九而寡  
相舟自誓撫姪爲子

劉氏張之楨之妻

夏氏饒風人劉永泰之妻年二十七而寡  
其子文秀邑庠



石身碑志 卷之三  
生嘗令讀蠶桑須知書聚婦女而聽之故其家事蠶桑春  
飼夏繅秋冬絡緯而織繼之以夜語子婦曰婦人不事婦  
功徒工言容無足取且逸則思淫勞則思善古人訓誡如  
此何可忽也

楊氏毛登山之妾

烈婦張熊氏太平里張復興之妻嘉慶五年正月賊張漢  
潮至迫之從氏罵曰爾等叛賊天理不容官兵至死無日  
矣我良家婦女情甘死爾刃下賊怒以長矛刺其腮頰脫  
脇倒地頰破不能語猶喃喃啞之十五年郡守葉公錄其

樊趙氏洪家寨民婦十一年五郎關賊破寨見氏美欲污之氏大罵力拒完節而死

**烈女**唐長英池河女子年十七嘉慶五年遇賊賊欲污之不屈而死其父唐大貴母李氏亦罵賊被害

熊女兩河段雙武之童養妻也年十七與唐長英事同亦在嘉慶五年



史事節錄

左傳楚子乘驛會師於臨品分爲二隊子越自石溪子貝自何以伐庸秦人巴人從楚師遂滅庸

梁書蘭欽傳蘭欽大通時都督衡州三郡兵會衡州刺史元慶和爲桂陽人嚴容所圍遣使告急破容羅溪於是長樂諸洞一時平蕩

宋史王彥傳紹興三年二月兀朮入侵召彥與吳玠劉子羽會於興元檄離喝自上津疾馳不一日至洵陽統制郭進死之彥退保石泉縣

吳玠傳紹興二年張浚承制拜吳玠鎮西軍節度使兼宣

司都統制節制興文龍三州金久窺蜀懼玠振其衝不得  
逞將出奇取之以叛將李彥琪駐秦州睨仙人關以綴玠  
命游騎出熙河綴關師古撒離喝自商於直擣上津三年  
正月取金州二月長驅趨洋漢劉子羽以驛書招玠於河  
池玠日夜馳三百里以黃柑遺敵曰大軍遠來聊以止渴  
撒離喝大驚以杖投地曰爾來何速耶金人始謀玠在西  
邊故蹈險東來不虞玠馳至遂大戰於饒風嶺金兵被重  
鎧登山仰攻一人先登二人擁後先者死則後者代玠以  
大石推壓弓弩亂發如是六晝夜死者山積而敵不退復  
募敢死士五千將來攻會小校得罪導以間路攻關背乘

高以窺饒風詣軍不克遂潰玠退保西鄉縣金人雖入三郡然亦得不償矢未幾北歸

劉甲傳劉甲自知廬州移興元府利東安撫使未幾金自鵲嶺關進屯八里山甲分兵進守諸關截潼川戍兵駐饒風以待之金知有備引去

元史察罕帖木兒傳至正十一年紅巾賊劉福通作亂所過殘破不數月江淮諸郡皆陷十七年福通遣其黨李武陷商州由武關徑趨長安至灞上分掠同華諸州三輔震動陝西省臺告急察罕卽提兵入潼關長驅而前與賊遇戰輒勝賊黨皆散潰走南山

明史太祖紀洪武元年正月庚子鄧愈爲征戍將軍略南

陽以北州郡

三年始置縣

洪鐘傳正德五年湖廣歲饑盜起命洪鐘以本官總制軍  
務陝西河南四川亦隸焉時保寧賊藍廷瑞自稱順天王  
鄂本恕自稱刮地土其黨廖惠稱掃地王衆十萬餘置四  
十八總管延蔓陝西湖廣之境鐘乃檄陝西湖廣河南兵  
分道進湖廣兵先追及於陝西石泉廷瑞走漢中

明史畧崇正元年冬十一月漢南賊四百餘人自汧陽兩

當薄畧陽引土賊三千餘人入畧陽漢中等處白水賊合

山西逃兵掠蒲城韓城之孝童淄川鎮時承平久猝被兵

人無固志陝西巡撫胡廷宴惡聞盜警杖報者曰此饑民也掠至明春後自安定耳於是各縣不敢復以盜聞盜偵知之益恣

按此實爲流賊貽禍之端而邑之所以數被兵也故錄之

陳奇瑜傳崇正六年擢奇瑜兵部右侍郎兼右簽都御史總督陝西山西河南湖廣四川軍務專辦流賊於是賊在平利洵陽者數萬自四川入西鄉者二三萬犯城固洋縣者又東下石泉漢陰會漢興窺商雒乃遣遊擊唐通防漢中護藩封遣叅將賀人龍劉遷夏鎬振畧陽沔縣防賊西



遁遣副將楊正芳余世任振襄城防賊北遁自督副將楊  
化麟柳國鎮等駐洋縣防賊東遁又檄練國事盧象昇元  
默各守要害截賊奔逃賊見官軍肆集大懼悉遁入興安  
之車廂峽諸渠魁李自成張獻忠等咸在焉峽四山巉立  
中亘四十里易入難出賊誤入其中山上居民下石擊或  
投以炬火山口礮石塞路絕無所得食困甚又大雨二旬  
弓矢盡脫馬乏芻死者過半當是時官軍蹙之可盡殲自  
成等見勢絀從其黨顧君恩謀以重寶賄奇瑜左右及諸  
將帥僞請降奇瑜無大計遽許之先後籍三萬六千餘人  
悉勞遣歸農每百人以安撫官一護之檄所過州縣具糗

糧傳送諸將無邀撓撫事諸賊未大倉降非實也既出  
道遂不復約束盡殺安撫官五千餘人攻掠諸州縣關中  
大震

紀事本末崇正八年十二月漢中羣賊會於漢南雅黎秦  
將羅于萃連擊敗之窮追子午谷奪所掠子女二千日賊  
奔饒風關九年三月賊闖王蝎子塊自興安入漢中  
是年夏邑  
城陷紳士  
孫曾死之十年獨行狼在漢南民皆倚擔而立

按當時又有賀珍劉二虎嘯聚興安胡向宸盤踞蕎麥  
山孫守法盤踞藥箭寨米國珍盤踞漫營山寨邑密邇  
強賊以故數被蹂躪順治三年總督孟喬芳遣任珍陳

德等討平之十年復遣興漢總兵趙光瑞擒孫守金於紫陽洞山於是逆賊叛孽以次削平邑民始得復業矣

**通志**哈占康熙十二年以工部侍郎出督川陝值吳逆倡亂十四年正月興安遊擊王可成殺總兵王懷忠以應十八年夏五月賊將王屏藩據漢中冬十月大兵三路進取漢興奮威將軍王進寶出寶雞振武將軍鄂克濟哈勇畧將軍趙良棟出畧陽占與撫遠大將軍圖海出大泥峪遂進駐舊縣關以待濟師會牒報進寶兵已克武關占謀於大將軍曰武關已拔中路兵可直搗漢中漢中若下興安諸處可傳檄而定也何老師爲哉遂鼓行至鎮安復進攻

兩河關克之長驅搗興安抵漢中與進寶兵會明年大兵分道入蜀

通志偏圖康熙十五年十月大將軍給圖總兵官劄令其規取興安賊將楊文瑞領衆三千餘在鎮安關大將軍以舊縣關地險要且當賊衝復檄圖領兵卽在關駐劄防禦十七年大兵由關山入圖爲軍鋒至小嶺與賊戰圖奮勇陷陣奪其三營遂復香泉等處十八年十月大將軍令圖攻取興安至兩河關賊阻河結營自固圖出其不意策馬徑渡連破其七營斬獲無算賊衆一時解散賊將韓晉卿望風遁走遂復興安並收取漢陰石泉

按邑從十四年爲叛逆所脅至是五年矣

賦役全書順治七年豁免有主荒地八年豁免無主荒地

實應免糧一百八十九石三斗四升零 康熙八年豁免荒地二十三年再經

豁免實免折色糧三百四十石一斗零 順治七年豁免逃丁康熙八年及

二十三年豁免絕丁共一萬一千一百四十六丁 雍正五

年以丁銀攤入地糧內徵解

謹按我朝深仁厚澤史不勝書疆域廓清以來民安

樂土而輕徭薄賦充爲休養生息之大端故繼前事而

恭錄焉

平定教匪紀事乾隆六十年冬白蓮教匪首逆劉之協合

其黨於湖北河南陝西四川等州縣往來煽惑嘉慶元年九月四川奸民因之以作亂

按賊匪之始不過數十人或數百人當事者失於機宜於是股頭蜂起有青號有黃號有白號有藍號有月藍號由川而漸入楚陝其擾我石邑也嘉慶三年以後無

歲不來無鄉不到幸城內駐兵設局

恒將軍營在先農壇

故近郊

未被蹂躪五年五月經畧額侯統大兵追勦於三官廟

又至銀杏壩又至兩河十一月十八日大軍駐縣城十九日赴銀杏壩二十日赴兩河住四日搜勦六年四月軍於魚壩與楊提督合營七年正月二十日戰於饒風

二十一 日追及池河從此賊復入川而是年十二月紅  
旗報捷矣然零匪延蔓老林尙復二三載

續府志十一年七月八日寧陝兵譚有從逆者陝安總鎮  
王兆夢聞之率兵駐於石泉而單騎往安輯其不甘從逆  
之衆旣撫定聞叛匪已破洋縣卽率師會撫提於城固旣  
而知兇黨畏兵力之厚且將避鋒而東犯八月六日率師  
登舟晡時遂至石泉城中士民果以無兵空城渡水避於  
南山矣卽以載兵之舟宵濟逃者俾返其居增埤築壘越  
二日而賊已蜂至憑城邀擊矢石迸發賊救死扶傷不給  
因復西竄

附錄岳震川舍人王鎮臺石泉戰功記嘉慶十一年七月八日寧陝兵變興安鎮將王公提兵赴漢中會道將郡將議遏賊勢方中丞檄公至城固付興安一郡捍禦當是時積雨陰霾漢江日夜漲湧公提兵至環珠廟登舟將入峽岸上人皆爲公危公持五十金畀篙工曰以賞汝少逡巡卽以軍法斬汝首篙工方四顧唏噓慘無人色士卒已鳴榔持篙踏入中流半日抵石泉城下是爲八月六日亭午石泉民皆倉皇避賊扶攜老幼入山城內外寂然署縣令陳澍循行近郊望大兵至見公營隊恃以無恐公周視城垣卑庳北尤甚毀附城高屋速



增北城數尺以大義激獎兵弁人皆感憤越二日午刻  
賊千餘營列十五里外丙夜突逼城下縱焚東西關攻  
城甚急呼聲震屋瓦城中應以整暇穴石無虛發發必  
穿胸洞脇賊焚東門千總鄭富德連擲大石斃二賊豪  
焚西門遊擊齊慎都司馬金龍撒灰擲大石斃賊豪五  
人東西兩門旣不可焚而入北城卑賊齊力致死期必  
破公度其必萃此也自當之滿貯巨礮二十善鳥鎗五  
十人相機指嗾雷轟霆擊骨斷肉飛黎明賊勢大却公  
命梟二賊首山巔示民客無恐卽率兵弁數十人出城  
搜賊且省東西關焚掠之難先是八月朔日賊破洋城

未折一矢未頓一刃城固屯重兵弗可撓惟謀東行石  
泉興安西境之障蔽也倖勝卽狡逞弗可遏公乃早抵  
石泉修戰守之具甚備終夜死攻弗能破營城外數日  
焚尸扶傷遁去月餘寧陝平

不

者之四

事宜附錄

凡人家道之昌端由和睦一家之中有耕有讀有商各執一業乃能相與有成今邑中無不分家之弟兄甚至父子異爨母子異爨而俗亦澆漓故欲厚風俗先從明人倫始人倫明則相親而家道亦從此昌熾

邑中士習安靜良於他邑但入學以後饒士則明窗虛設日事宴遊寒士則蒙館坐談消磨歲月相沿如此皆由不知振作昔孫魯家貧讀書其父傭工以給載之縣志凡爲士者俱當以是爲勵爲父兄者尤當以是自勉也

邑中婦女執爨而外不事女工間習挑花巾帶務爲無益

以誇精巧紡織之事亟宜講習蓋婦德不外於婦功成家必由於內助如果婦女能勤織紡衣夫衣子儘可濟農不足而抒家道窘迫之憂况貧婦孀居有此手段能以自謀衣食撫子守貞完節操而存廉恥其於風化所關更非淺也

積穀爲備荒要務而民間積穀甚屬寥寥或以爲包穀不堪久貯或以爲地氣濕潮其實皆積習使然耳蓋漢南當鼎革之際民皆倚擔而立如是者五十餘年其後開荒種地多屬寄籍各存首邱之念誰爲旨蓄之謀每屆秋成煮酒喂猪恣爲醉飽以至粒米狼戾而不爲恤今旣歷數紀

習俗依然故富者少富而能長者更少關中之習不然安  
土重遷貴農上粟雖遇荒歉人賴積穀而不至流亡其所  
由來者漸也

三農生九穀山內不然乾隆三十年以前秋收以粟穀爲  
大莊與山外無異其後川楚人多徧山漫谷皆包穀矣粟  
利雖不如包穀然耐於久貯周家稼穡開基稷以名官最  
爲長从陝西人猶守此風故能厚實居陝土者宜從陝俗  
也

高山峻嶺雖不可播種五穀未始不可栽植樹木就所宜  
之木隨處種植加意培養如漆如桑如竹如花栗皆能取

利卽橘柑棗梨省垣每來販運亦非無益之物但十年種樹其利不在目前定難責之棚民佃戶是在山主之能爲遠圖也

保甲乃弭盜良法洵爲南山要務然因時因地貴擇要而行無庸拘守成規蓋棚民本無定居今年在此明年在彼甚至一歲之中遷徙數地卽土著亦零星散處非望衡瞻宇比鄰而居也保正甲長相距恒數里數十里詎能朝夕稽查故按季造冊每月查牌徒滋紛擾一家匪匪鄰家受責更屬支離此民間所以苦其難行今惟每鄉舉公正紳士二人以爲總管而花戶則各隸於取租招佃之主家以

主人查佃戶則耳目易周以佃戶助主人而守望更切所謂就勢而聯順情而伍者此也至於城關市鎮仍照常編查每歲一次四鄉亦各一次

客店之循環簿亦保甲之一法城關應呈署查閱市鎮則責成鄉保客頭就近稽查蓋流民入山多寄宿林巖匪徒則山徑取捷均不在客店安歇所謂客店不過貿易小販而已各鎮距治恒數十里或百里如客店必照例造報月一陳核則僕僕道途不勝其苦矣

噉食鴉片爲近來大害瘠苦之區雖少此風但邑爲川楚通衢往來行人良莠不一雖經隨時稽查而本地之人抑



何道而能以不染此種惡習也

山中地雖荒涼賭局絕大以木椀彈錢作寶徃徃數十數百爲輸贏之注有中人產業一二日而蕩然罄盡者故禁賭爲保富之大端禁賭之事官禁不如私禁官禁不過街面若過事搜剔易滋事端私禁清其本源將習慣成風悉成善類父誡其子兄勉其弟子弟不習賭博可以守家可以修業是在各鄉總管紳士同保甲而隨時申誡也

聽訟雖非致治之源而閭閻受累莫甚於此差役手奉一票視爲奇貨可居距縣窩遠者徃徃將所喚之人羈押中途客店店主串通一氣彼此分肥爲之關說所欲旣遂則

回稟未票之外已往鄰省索詐未遂或更有株害之人則  
云喚至中途被某某等搶回稟請加緝公費是城中又  
之保戶延不送審希圖坐食兩造飯錢是會案之類証盜  
案之開花尤關緊要易滋事端所貴嚴飭慎防早日審結  
庶案無留牘獄無繫民矣

山中鄉約較山外爲重須擇公正人充當事關有事先投  
鄉約講理得其一言剖決是非省得進城遠訟廣時業甚  
盤纏卽間有因講理糜費或講處未公反獲訟端者但相  
沿已久事屬何代未可概以武斷鄉曲論

各鄉無大集場籤匠亦少惟梅湖雙斗壩及近川邊兩河

爲三縣交界去城寫遠籤匪出沒間或有之故防查宜嚴  
至行乞窮民偶然鼠竊隨事究懲不得以籤匪概論

起贓之事殊難兩全無論差役案詐在所不免河失物之  
家雖幸復還原物亦得不償夫買物之家究究捨去現錢  
又平白受災卽照例追給而此錢入手必消從何贖出且  
從無有產業而作賊者夜不閉門屢不獲盜緝何道而有  
此淳風也

開山種地良民儘多村落絕少不遠就所種之地架棚築  
屋零星散處所稱地鄰行往隔絕數里匪徒偶來宿宥勢  
難拒絕間或寄頓贓物一經犯案不能不設

勸民廣興織紉論

照得衣食爲生民之命男耕婦織共勤工作則饑寒無虞  
從前葉中丞爲興安知府嘗勸民種桑刊有蚕桑須知從  
此邑中有栽桑飼蚕者但所出無多其利未廣本縣因思  
棉絮棉布爲民間常服較絲紬尤爲緊要兩河池河多種  
之他鄉亦宜興種種棉旣多宜工紡織查作布並非難事  
婦女以彈就熟花紡作線条漿晒之後以柁床紗馬約出  
機上其布面不可過寬寬則裁衣剩餘究屬無益大率以  
一尺二寸爲度計由紡而織勤能婦女五六日可成一匹  
需花不上二筋每筋價錢準以二百成布一疋精細者便

值錢七八百南方人稠地密村村如此捺作所以不憂饑  
寒本縣欲爲吾民衣食計莫如廣興此利夫婦德不外婦  
功成家由於內助如果婦女能勤紡織衣夫衣子儘可濟  
農不足而紓家道窘迫之憂况夫貧婦孀居有此手段自  
謀衣食可無招夫養子矣存廉恥而完貞捺其於風化所  
關更非淺也願吾民各爲講習之此諭

勸民預謀蓋藏諭

照得南山地方五種皆宜民間謀食較山外爲易然偶值  
歲歉戶嘆阻饑其鵠面鳩形流離遷徙較山外更甚良由  
山外糧貴民知積貯山內糧賤人不蓋藏也前經道憲嚴

公示以預蓋藏以備凶荒爲已計者至深且遠乃狃於習俗仍然積貯無聞道光十二三年連歲歉收爾等備嘗艱苦能無悔於心乎查向俗平墾之人每秋收有慶將家中麥豆稻穀盡行出糶山居之人貪包穀利厚徧山均種包穀包穀至春夏必要翻青剩存不論多少取以燒酒喂豬是以秋收之時滿場堆積至青黃不接徃徃十室九空天道有豐有歉決無歲歲豐登之一理一遇旱潦難免枵腹本縣爲吾民思患預防因就禾稼豆場之際先爲申誠爾等居平地者麥豆稻穀不可傾倉入工賣種山地者於包穀外兼種粟穀黃豆番薯之類包穀供以一年館粥其餘晒乾蓋

藏愈多愈好卽極不濟亦須餘得一年糧食但窮民佃種無多何暇慮及此事凡屬紳耆糧戶曉事明理詎無計深慮遠之心每歲有餘先當預謀蓋藏以爲荒歉備倡辛齊民可也此論

### 勸民崇儉論

照得勤儉爲治家之道農民發憤去作田地厚加糞多鋤草可多收糧食但不樽節一年辛苦幾日都可花消石邑民風好飲酒食肉家家詎有現錢餘賬居多糧食出來都被舖戶賤價算去吃少費多便是打算差處士庶人家只要粗茶淡飯過時節宴賓客都地方出的菜蔬做得

精潔便可待客何必海味如此則飲食儉矣石邑近來衣服頗奢華不思穿一件華美衣服要花幾十石糧食何不將此錢去作棉布衣幾十件穿得半世士庶人家只是粗布衣服潔潔淨淨便足觀瞻如此則衣服儉矣至於住的房屋山內却不講究此却須要堅固爲長久之計但不可丹漆雕刻使的器具只要完全不必奇巧精緻遇有父母亡故以哀痛爲主不必延僧道揚幡作齋以及婚嫁之事都只可稱家有無查邑中風俗此時尙可以挽回本縣所言爾等及早勉力至子弟習於賭博染於鴉片未有不敗家蕩產者總由不知儉省有以啓其邪心合行出示曉諭



石身  
告示  
爲此示仰紳耆鄉地人等知悉勤儉二字真是傳家之寶  
父教其子兄勉其弟夫勗其婦朋友親戚共相告誡都成  
一個敦龐風俗則漢南亦可復二南之盛也此諭

### 勸民切勿輕生告示

爲勸民切勿輕生以全生命事照得蟲蟻尚且貪生何況  
於人身難得死者不可復生若死後經官相驗便永遠  
不得超生實在可憐南山愚夫愚婦徃徃因親鄰些小事  
故或婦女偶然受責遽爾尋死或弔頸或投水或自戕一  
念之差片時畢命在死的人心裏妄想我只拚了一條命  
便可以害他受罪至少也叫他破財俗謂之討風光却要

曉得自己尋死謂之輕生律例內並無抵命之條連板子都不打的何能害人受罪若屍親多事地方官照例治他的罪重則流徙輕則枷杖或是子孫慫恿祖父母父母與人種命便坐子孫以逆倫之罪這等看來那死的人豈不是白送了性命本縣到任年餘地方尚屬安靜間有輕生之事固由百姓之愚亦因本縣之失教悽惻之餘又增慚恧合亟勸諭爲此示仰百姓們知悉你們總要忍氣能忍氣便是有福的人自後你心裏但有氣忿不甘的事只要忍耐半個時辰要緊緊記得本縣的話切不可尋死輕生白白死了沒有一點好處卽或受傷些微醫治得生到後

石泉縣 告示  
來你在別處或聽說當日曾與人種過命亦是憾事真不  
值得因將例文開後愿爾等互相勸誠同登壽域永樂昇  
平庶不負本縣愛你勸你一片苦心毋違特示

今將律例三條開後

一例載自盡之案如刁悍之徒藉命打搶照白晝搶奪例  
擬罪仍追搶毀物件給還原主

一例載自盡之案屍親混行吵鬧毆打勒措行詐者杖一  
百枷號兩個月

一例載諸人自縊溺水身死別無他因

免驗

官司詳審明白准告免驗

務望紳耆及讀書明理之人遇鄰里中有氣忿想去尋死的立即苦口苦心將本縣此番勸諭告示向他勸解勸得一人便是救活一命積善之家必有餘慶德孚桑梓澤及兒孫天保佑爾理固足據也特諭

勸諭書吏告示

爲曉諭書吏守法行善事照得各衙門設立書吏佐助本官分辦公事期滿之日例准考職授官理宜守法本縣以爲公門中好修行爲書吏者不但守法兼可積德若果能隨事隨時留心行善必有好報是以本縣於書吏遇有無心過失多從寬宥原以書吏雖係在官人役究有體面養

爾等之廉耻卽以激發爾等之天良也從前吏員亦是仕  
宦一途今雖出仕頗難然積善之人必有餘慶其子孫發  
達者不少若不肯行善又復行惡卽使獲免 王章斷不  
能倖逃陰譴報應之機公門尤捷良可畏也爲此示仰各  
房知悉爾等務將後閭各條凜凜奉行便是行善各宜目  
愛毋以本縣之言爲迂濶也

計開

- 一該房親族有田土錢債婚姻及一切細故可以調處者
- 一急宜勸令和息不許倚恃身在衙門唆令興訟
- 一不許唆令人犯妄板以致開花搭橋拖累多人

一訊明釋放人証不許私押若差役有私押情事亦責成該房稽查密稟

一出票喚人最宜慎重語云一人到官一家不安嗣後差票內不許妄寫拘字及濫寫鎖拏二字

一案內有押候人証亟應稟催速審如本縣別有公事偶爾遺忘准每日催稟一次

一案內緊要人証已到一二可以審訊者立即送審不得以人証尙未齊全延不稟請致滋拖累

一詞內及供內情節牽涉閨閫婦女或事屬曖昧准爾回明摘刪不許徑行列名送簽

石邑縣 告示  
一叙供不許增刪情節其有語太支離本應節刪者回明定奪

一禁押枷號各犯時加照料大寒大暑尤宜加意

一舊有陋規如紙張飯食之類以資辦公在所不禁但不許額外多索

以上十條各宜凜遵違者決不寬宥特示

嚴禁差役告示

爲嚴禁索詐事照得縣設衙役以供差遣壯班任操練快班事緝捕皂班司刑杖其一切詞訟事件則壯快兩班承辦此其例也石邑向規兩班輪流當月其班值月則諸事

悉差某班下班者遂至閒散無從約束非事體爾等上班之人固須敬慎從事下班者尚有承緝案件詞訟未結事件亦須勤謹趨公不得輒以身非當月推諉本縣蒞任年餘查爾等頭役尙屬奉法閒有不法之徒隨時究懲從無寬貸此人人所共見者惟爾等承票積習至今未改一票到手拖延多日希圖坐食兩造口岸其實錢被飯店賺去釀出事端爾等受罪亦何利而爲之至承票緝賊往往捉影捕風到處嚇詐甚則正賊不緝將曾經犯竊旋即改悔之人捉得一二人羈押飯店教令誣扳某人接買贓物某人知情同夥遂至一案輾轉波連十數人層層剝削實



堪憫惻本縣在甘肅也是百姓設身處地何能堪此今躬  
膺民社官稱父母若明知其弊而不爲痛革是本縣縱蠹  
殃民亦卽民之賊也除逐案嚴懲外合行列款出示嚴禁  
爲此示仰兩班人役知悉爾等各宜痛改前非並責成該  
班總管隨時稽查如有在外滋事不守班規者立卽稟究  
倘敢徇隱事發之日一體責懲各宜凜遵毋違特示

計開

一差役到鄉將被証傳齊不得羈押中途飯店多食口岸  
傳至城中不得私行管押三日內卽行送審如違重究  
一捕役到鄉不得妄拏無辜亦不得私行起贓如違重究

一埔役及一切差役到鄉承票喚人所喚之人雖係票內有名但姓名之旁並未硃標鎖字而該差竟敢私行鎖押索得錢物始行開放者被害之人到案供出除重懲外定追贓給領

以上三條本縣爲吾民革除蠹害亦爲爾等保全身家蓋爾等得受草鞋飯錢原不能一概禁止若過事磕索釀出事端計贓論罪法所不容况被上憲差提卽以爾等虐鄉民之法施於爾等亦得不償失本縣前在平利鄖縣臨潼皆如此約束故能平安無事當時或以爲過嚴及本縣去後該役等因事到省有感

激流湔者一片苦心願爾等共遵之